

S'ULTIMA SERENADA

Testo: M. Meridda - Musica: M. Coloru

Muda est sa notte istheddada,
dogni cosa est frima e dromende,
solu deo isthanotte so cantende
solu a tie s'últhima serenada.

E apérimi ancora sa ventana
pro chi 'olet ancora fin'a tie
cudda 'oghe amorosa de chie
est cantende s'antiga filonzana.

Non ti siat de angústia su cantu
si a bolthas at a pàrrere tremende:
at a èssere chi sa 'oghe m'est manchende,
trattesa dae calchi nodu 'e piantu.

Non ti peses pro mi fàghere cumentu,
non t'aceres comente a una die,
ammenta sos mill'asos chi a mie
contaias in dogn'apuntamentu.

Cudda rosa, su fiore delicadu
chi abbaias cun su coro cumentu,
est patende su mantessi trumentu
de chie t'aidet e est traschuradu.

E puru isthanotte so innoghe
sonniende de arrivare a s'intentu
de che t'ido corchada in s'aposentu,
o si no connosches pius sa 'oghe?

Dromi ancora, si cheres dromire
e no t'ischidet una frina de 'entu,
restho deu in carrela cun s'ammentu
chi pro vida m'at sempre a sighire.

Bonanotte, istha puru corchada,
de te m'est resthada una cosa,
sa ventana serrada, una rosa
allizada che custha serenada.

Allizada che custha serenada...